

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 3031 del 30/09/2022**

**Traduzione in ladino**

## **Benvegnui tel Euregio! I scartabie ence per lengaz de mendranza da loghèr ti Comuns**

**“Cooperazion Comuns Euregio” l é n projet che tol ite desferenc ambic de colaborazion anter i enc locai di trei teritories. Per jir a fon de vèlch aspet en cont di projec e de la azions che i Comuns del Euregio metarà en esser dessema, en ocajion de la Jonta del GECT stata en jebia ai 29 de setember a Sèn Jan, se à binà ence i presidenc di Consorzi di Comuns di trei teritories. Te la medema sentèda del GECT, con chela de valorisèr la funziun di enc locai tel Euregio, l é stat aproà l projet grafich di scartabie de benvegnù tel Euregio, per arsecurèr l respet de la despozisions pervedudes te vigni raion, col tegnir semper a ment la particolaritèdes de ogni mendranza linguistica.**

**La grafiches les raprejeta n model che pel vegnir adatà ai besegnes de ogni Comun aldò de la carateristiches de sie teritorie. Do l nulla osta de la aministrazions provinzièles, i comuns i arà l met de loghèr la tabeles.**

**I Consorzi di Comuns à endodanef palesà sia capacità de lurèr dessema tras chest projet, che perveit de loghèr n scartabel de benvegnù, col meter al luster sencajo la fradaes en esser, al scomenz de duc i Comuns che à fat domana del 2021.**

**Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

(cdt)